



ATA OFISIAL DI INKONTRU DI KUMITÊ SKULAR DI BOSTON

11 di Janeru di 2023

Kumitê skular di Boston rializa um riunion remotu 11 di Janeru di 2023 ,17 ora na Zoom. Pa opten mas informasons sobri kualker un di itens na lista la di baxu, vizita, www.bostonpublicschools.org/schoolcommittee, ô invia un email pa feedback@bostonpublicschools.org ô txoma pa skritóriu di Kumitê Skular di Boston na (617) 635-9014.

FREKUENSIA

Menbrus di Kumitê Skular,: Prizidenti Jeri Robinson; Visi-Prizidenti Michael D. O'Neill; Dr. Stephen Alkins; Brandon Cardet-Hernandez; Lorena Lopera; Rafaela Polanco Garcia; Quoc Tran; y riprizenanti Studantil Diego Mehta.

Menbrus di Kumitê Skular Auzenti: Ninhun.

DUKUMENTUS APREZENTADUS

Ajenda

Ata di Riunion: 14 di Dizenbru di 2022 y 4 di Janeru di 2023

Subsidius pa aprovason na um total di \$403,466

Memo re: Pididu di apruvason di Akordu sprimental entri Kumite skular y United Steelworkers, Local 2936 (munitoris di Autokaru), 9 di Janeiro , 2023

Memorandu di Akordu di Monitoris di atokarus, validu di 1° di Julhu di 2020 ti 30 di Junhu di 2022

Memorandu di Akordu di Monitoris di atokarus, validu di 1° di Julhu di 2022 ti 30 di Junhu di 2025.

Konselhu di skolas di grandi sidadi (CGCS) Relatóriu di Revizon di transportis

Memo di Revizon di transportis CGCS

CGCS Revizon di transportis Apresentason na PowerPoint

11 di Janeru di 2023

PIDIDU DI ORDÍ

Prizidenti Jeri Robinson konvoka un riunion y el lidera un juramentu di lieldadi A Sra. Sullivan Txoma psoal. Sr. Cardet-Hernandez y Sr. Mehta ka staba na xamada numinal, ma mas tardi es entra na runion 18 oras.

Sra. Robinson anunsia ki Kumité ta binha interonpeba imediatamenti um seson izekutivu ku objetivu di diskuti stratéjia relativamenti a negosiason kuletivu ku United Steelworkers on behalf of Local 2936 (Munitoris di Autokaru). Tem kel diskuson li na um runion abertu podia bem tem um efeitu prejudisial na puzison di negosiason di Kumite. E fla ma kumite ta voltaba pa seson publiku pa 18hr.

ADISIONA À SESON EZEKUTIVU

Aprovadu -Pur xamada numinal Kumité aprova pur unanimidadi um muson di adiamentu pa um seson izekutivu ku objetivu di diskuti stratéjia relativamenti a negosiason kuletivu ku United Steelworkers on behalf of Local 2936 (Munitoris di Autokaru).

VOLTA PA SISON PUBLIKU Y ORDEN DI XAMADA

Prezidenti Robinson volta a konvoka runion na seson publiku pur volta di 18:03 tudu membrus staba prizenti.. Sra. Robinson anunsia ki Kumité tinha kabadu di volta di um seson izekutivu ku objetivu di diskuti stratéjia relativamenti a negosiason kuletivu ku United Steelworkers on behalf of Local 2936 (Munitoris di Autokaru).

Sra. Robinson fla ki riunion di oji di noiti staba ta ser transmitida en diréto na Zoom. Ta ser ritransmitidu na TV di sidadi di Boston. També ta ser publikadu na bostonpublicschools.org/schoolcommittee e na YouTube. E anunsia ki staba dispunível servisu di interpretason simultaniu na Spanhol, Kriolu Aitianu, Kabuverdianu, Vietnamita, Kantunes, Mandarim, Arabi Língua Jestual Amerikanu (ASL); intérpretis ta apresenta es mesmu y es da instruson na se língua maternu sobri modi asedi interpretason simultaniu atraves di mudansa na kanal Zoom. Dukumentus traduzidus di reunion sta postadu na www.bostonpublicschools.org/schoolcommittee antis di inisio di riunion.

APROVASOM DI ATA DI RIUNION

Aprovadu - pa Xamada nominal, kumité aprova pa unanimidadi ata di riunion di Kumite skular di 14 di Dizenbru di 2022 y 4 di Janeru di 2023.

RELATÓRIU Di SUPERINTENDENTI

11 di Janeru di 2023

Sima preparadu pa intrega.

Obrigadu Senhora Prezidenti. Filis anu novu tudu algem! Anti di kumesa nha relatóriu, nkre rekunhesi y da segmentu a mudelu em ki ikipa sta ta trabadja pa akresenta mas rekursus pa respondi a nesesidadis di seguransa y apoius a alunus ki nu sa ta oia na skolas di distritu interu. Inbora nu tem prazer di le relatus di insidentis violentus na sidadi interu, nu da konta tanbe ma kualker kuantidadi di violensia na nos kumunidades ta afeta nos alunus y famílas. Na rekunhesi y repondi a kel ária di nesesidadi demostradu na nos skolas, nu persebi ki nu mesti di kontinua ta reforsa nos rekursus internus pa presta kuidadus securus, restauradoris y traumatizadus a nos alunus y, pur stenson, nos famílas.

Pa aborda kel keston li, y ku bazi na feedback ki nu resebi , foi kriadu um ikipa pa fffice of Student Support and Safety Services em parseria ku Operasons. Kel ikipa fungsional kruzadu ta inklui representantis di fffice of Opportunity and Achievement Gaps, Divizon di apoiu a alunu, Divizon di skolas, Office of Human Capital, BPS Labor Relations, BPS Finance, Office of Safety Services, y BPS Intergovernmental Relations.

Um di kes primerus tafas di kel ikipa li foi reve puzisons di Ligason a kumunidade y lebas através di um prusesu pa ke pudesi resebi kontributus di menbrus di kumunidade di BPS. Dja nu fazi um diskuson rubustu duranti um di kes ultimus mezas redondus di Community Equity Roundtable. Nu ta spera resebi feedback adisional sobri kes funsons li a mididida ki nu ta kontinua ta splora novus dorma di involvi nos jovens y di mantes em seguransa.

Rezultadus spesifikus di ikipa multifungsional e siginti:

- Apoia nos alunus y famílas apartir di um perspetiva di saudi publiku y bem-estara, inkluidu abordajen di inseguransa alimentar, ta furnesi rekursus pa abitason stável , apoiu a saudi mental , y opurtunidade ikunómiku.
- Apoia nos alunus y famílas apartir di um perspetiva di saudi publiku y bem-estar, inkluidu abordajen di inseguransa alimenta, ta furnesi rekursus pa abitason stável, apoiu a saudi mental, y opurtunidade ikunómiku.
- Y pa manti staff di skola infurmadu di opurtunidades y atividadis baziadus na kumunidade, pa nos alunus, famílas y staff, bem komu di dizafius ki podi sta ta kontisi na kumunidades ki tem inpaktu na apredizajen ou seguransa di alunus.

Nu sta atualmenti ta djobi feedback através di um prusesu di involvimentu kumunitáriu ki sta ta djudanu ta kria um stratéjia ki ta respondi ku rekursus y feramentas nesesáriu pa aborda kestons profundus em tornu di trauma ku objetivu di pruporsiona spasmus di kura pa nos jovens. Nu ta agradesi kes ki dja da ses feedback y nu ta spera ku spetativas a notisias di otus inkuantu nu ta kontinua prusesu. Ta uza feramenta di planiamentu di ikuidadi rasial, nu obi jovens, diferentis grupus di difeza di idukason, pais, djuntu ku otus, inkluidu um runion ku kumunidade baziadu na fe ajendadu pa prósimu semana.

Nu resebi feedback ki ta apoia nos aburdajen y inkuadramentu des trabadju.

**Runion virtual di kumité skular di Boston
Zoom**

11 di Janeru di 2023

Dadu a altura di viajens y runions na meu di prupagason di novus variantis di COVID-19, gripi, y otus duensas respiratóriu viral, nu atualiza nos protokolus di saudi pa dipos di férias di Invernu pa maksimiza nos kapasidadi di manti alunus saudável y minimiza falta de staff duranti periodus es periodu di altu risku. Na quarta-fera, 4 di Janeru, tudu skolas di BPS adota maskara tenpuráriu ti prósimu sexta-fera - um total di oitu dia letivus. Keli e nos pedidu y spetativa di alunus y di staff, nau um mandatu.

Nkre agradezi nos alunus, staff y famílias pa se koperason na resposta a nos spetativas di maskara. Djam stevi na munti skolas des di regresi di intervalu y tem sidu ótímu di oia tantus alunusy funcionáriu maskaradus duranti es priudu di risku akresidu. Duranti es mesmu periodu na anu letivu pasadu, BPS sprimenta nos maior surtu di COVID-19, ki rezulta na um significativu skases di staff ki torna kuazi inpusivel manti tudu skolas abertus - alguns dias ku 1200 menbrus di staff y 8500 alunus auzentis duranti primerus dos semanas di Janeru di 2022. Es anu, nu oia um auzensia di staff varia di um másimu di aprosimadamenti 500 na dia 6 di Janeru a um mínimu di serka di 200 na dia 9 di Janeru, ku auzensias di alunus ta varia di um másimu di 8700 na dia 4 di janeru a um mínimu di 5200 na dia 10 di Janeru. Kes dadus li ta mostra ki nos protokolus sta ta funciona. Máskara e um feramenta, ma tanbe é textis rápidus semanal ki nu ta bem furnesi a alunus y a staff, ta garanti ki purifikadoris di ar sta na tudu salas di aula, ta linpa superfísis di toki frekuenti, ta laba mon regularmenti, y ta akolhi klinkas di vasionason na tudu nos skolas, di kual nu vasina mas di 2500 alunus BPS staff y famílias.

Em antesipason di kualker falta di staff, nos divizon di skolas trabadja na um planu pa tem staff sentral prontu a ser distakadu pa skolas, kazu ouvesi nesesidadi di apoiu extra. Serka di 200 funcionáriu sentral staba prontus y um bankada di 20-25 pesoa foi atribuidu a kada rejion. Trabadju di ikipa li foi izatamenti kuze kin sa speraba di tudu nos funcionáriu. Nu sta li pa sirbi nos alunus - as bes keli signifika ki nu salta literalmenti pa dentu y djuda. Nsta txeu gratu a funcionáriu sentral ki konsigi interonpi se trabadju y perturaba ses rutinas diáriu pa garanti ki nos alunus kontinua a se aprendizajen. Nu sa bem kontinua ta munitoriza número, ma ku auzensias di staff di volta a número mas normal, nu antisipa fim di apoiu sentral a staff na prosimu semana. Skolas ki tem algum priokupason ta bem trabadjaku se Superitendenti skular pa kualker nesesidadis di kubertura. Bom nutisia e ki nu teni gosi um sistema a ser lansadu di imidiatu si nu atxa auzensias di nos staff na um tendensia asendenti. Nu ta bem kontinua tanbe ta riuni diariamenti ku Boston Public Health Commission y nos ikipa di servisus di saudi pa reve dadus y nos protokolus. Nkre agradezi kumunidadi di BPS otus bes - alunus, famílias, staff y parserus kumitáriu - kes ultimus anus li tem sidu txeu dizafiantis y perturbadoris y nu tem, djuntu komu kumunidadi, di trabadju nes keston.

School Choice abri y nu sta na sextu dia di iskrisons. Ntem prazer di informa ki nu sta em alta na nos numerus. Des di final di dia di onti, 912 famílias inskrevi na skola, u ki e um aumentu em relason a anu pasadu, nes altura em ki 451 famílias inskrevi. Vizitas di rejistu vizual tem sidu txeu popular entri futuris pais, ta reduzi tenpus di spera em diretu y multidons na sentrus. Nu tem anunsius na konboius y autokarus MBTA y nu tem PSAs ta funciona na spanhol y otus línguas pa prumovi School Choice des anu. Inskrisons pa Ronda 1 ta bai ti 3 di Fevereru y nta bem kontinua ta manti nhos atualizadus sobri prugresu y kualker tendensias ki nu sta ta oia.

**Runion virtual di kumité skular di Boston
Zoom**

11 di Janeru di 2023

Chef y proprietáriu di restauranti Joanne Chang bem pa Madison Park Vocational High School pa partilha se stória sobri se negósiu di kumida ku alunus di BPS. E donu di Flour Bakery. Nu tevi orgulhu na tem nos própriu alunus di Boston Arts Academy a apresenta Inu nasional na inaugurason pa Governadora Eleita Maura Healey.

Nsta filis pa partilha ki trezi alunus di Skolas Publiku di Boston (BPS) resebi bolsas di studu di kuantu anu, baziadus na méritu di Posse Foundation, ta totaliza 2,5 milohon di dolár. 13 Senioris di BPS sta entri 51 alunus di ária di Boston ki ta bem frekuenta Bryn Mawr College, Bucknell University, Centre College, Rutgers University, y Union College.

Nkre fazi um referensia a Hasani Little, um alunu di terseru anu di P.A. Shaw Elementary School na Dorchester. E foi dadu um rekunhesimentu a Boston Fire Department pa djuda a konduzi bu família y vizinhos a seguransa di um insendiu na um kaza ki okori na inisiu di Dizenbru.

Manhan, nu ta bem fazi 40^a Selebrason Anual MLK na skola sekundáriu Jeremiah Burke pa 18:30. Nu ta bem distaka vida y legadu di Dr. King através di artis. Alunus di BPS ta bem kanta, dansa y partilha poezia au longu di prugrama, ki ta bem ser transmitidu au vivu através di FOX25, nos patrusinador media d iventu.

Parabens a ikipas di okéi pa rapazis y mininas di Boston Latin School y Boston Latin Academy! Kes ikipas li ta fazeba parti di lista ki tevi oportunidadi di partisipa na Frozen Fenway.

Nu tem fetu y nu sa kontinua ta fazi bons prugresus na ultimus seis mes na Planu di Melhoria Sistimatiku (SIP). Nkre aplaudi trabadju di Superintendenti Adjuntu di stratéjia y inplementason di dadus Monica Hogan y se ikipa pa liedra inkargu y garanti ki nos tudu nu ta trabadja em konjuntu nes trabadju inpurtanti.

Mas tardi, es noti, nhos ta bem obi otu relatóriu di konselhu di skolas di grandi sidadi em tornu di ses konkluzons sobri transporti. Kel relatóriu li foi kumesadu komu rikizitu di SIP, y nu submeti relatóriu DESE es tardi. Nu sta intuziasmadu tanbe pa anunsia ki nu sta ta lansa um Konselhu Konsultivu di transportis. Kel ideia li tevi orijen na nos trabadju ku pais y difensoris au longu di ultimus mes. Kel grupu li ta bem sirbi komu kaxa di sons pa kestons di transporti y ta bem djuda a informa a stratéjia em tornu di nos prátikas, y ta bem inklui, pais y staff di BPS. Kel grupu li ta bem dizenpenha um papel fundamental na infurmason di nos respostas a rekumendasons di Konselhu di Grandi sidadi. Nu ta bem fazi um anunsiu formal des Konselhu djuntu ku se filiason na final des mes.

Alem disu, nta gostaba di furnesi um atualizason rápidu sobri dizenpenhu di transporti dentu di prazu. Na dezenbru, BPS tevi um média di 93% di dizenpenhu pontual, y na primeru semana di regresu di férias di Invernu nu tevi um média di 91% di dizenpenhu pontual. Stórikamenti, primeru semana di regresu di férias di Invernu tem sidu um dizafiu, ku um numeru mutu mas grandi a normal di auzensia di kondutoris. Inbora keli tenha kontinuada ta ser um dizafiu es anu, nu sisti midjoras signifkativus di anus anterioris, um bes ki nu sa kontinua ta trabadja ku nos mutoristas di Transdev pa inplementa mudansas operacional na novu kontratu di sindikatu di mutoristas. Pur izenplu, na primeru dia di regresu di férias di invernu des anu, nu tevi 43 viajens sem kubertura di kondutor, em konparason ku 140 na primeru dia di regresu di férias di Invernu

11 di Janeru di 2023

di anu pasadu, na Janeru di 2022. Inbora nu tem um kaminhu grandi a perkori, nu inkurajadu pa kel prugresu li y nu ta bem kontinua ta trabadja arduamenti ku Transdev y nos motorista pa kunpri y ultrapasa nos valoris di referenisa.

Na kumesa um novu anu, nkre agradesi a tudu algem pa nhos apoiu y parser ia kontinu. Min atinji um marku na semana pasadu di sta nes puzison duranti 100 dia. Ntivi prazer di papia ku Jonathan Narsjo, um finalista na John D. O'Bryant, ki intrevistam sobri nha apel. Bu ta konsigi atxa intrevista na nos pájina di [BPS Youtube](#). E fazem um munti di grandis perguntas. Sima npartilha ku el, ntem speransa na kaminhu a sigi, pamo npodi fazi kel trabdju li kunhos, ku nos staff, alunus y famílias y ku nos kumunidade.

Keli ta konklui nha relatóriu. E nha prazer respondi perguntas.

Dr. Alkins pidi um atualizason sobri sforsus di distritu em parseria ku Lyft pa spandi servisus d transporti.. Superitendenti fla ma dipos um pauza na konversas kumesadu la Lyft , distritu sta di novu em konversas ku konpanhia di rideshare. E akresenta ke sa spera apresenta em brevi um atualizason.

Sr. Cardet-Hernandez pidi um atualizason sobri trabadju di spanson di inkluzon di distritu y kumunikason a familias.

Superitendenti fla ma ikipa sta ta trabadja ativamenti ku um konjuntu di 22 skolas ki sta na um fazi di prontidon ku spanson di inkluzon. E fla ma prosimu anu ta bem ser um anu di planiamentu, sigidu di um kumunikason atensiozu ku famílias.

Sra. Lopera papia sobri dizafius ki prazus di nutifikason di dizignason di distritu ta poi famílias. Superitendenti splika dizafius di fazi mudansas ku sistemas ki sta interligadus, ta akresenta ki sta em diskusons ku Boston Compactsobri alinhamentu koperativu. E fla ma objetivu glubal e avansa na tenpu. Sra. Lopera pergunta sobri prugramason ki distritu sta ta plania pa férias di Fevereru. Xefi di Family and Community Advancement Denise Snyder fla ma BPS ta bem oferesi akademias di aselerason duranti tudu dos intervalus skular. E oferesi pa di sigimentu ku um lista di organizasons parserus. Superitendenti akresenta ki se ikipa sta ta trabadja ku parserus pa poi mesmu intensionalidade na prugamason duranti anu interu ki na prugamason di Veron.

Sra. Polanco Garcia fla me obi Algun priokupasons di famílias sobri 18 prupostas di puzisons di Ligason Kumunitáriu. Superitendi fla ma el y se ikipa sta ta involvi ku kumunidade y a uza kel feedback pa reve diskrisons di funsons. Jillian Kelton, Xefi di apoiu a alunu, splika ki intenson di distritu e kria puzisons ki ta furnesi alunus servisus di involvimentu. Xefi di servisus di Siguransa Neva Coakley detalha prusesu di ingajamentu.

Dr. Alkins pergunta modi ki distritu ta uza feedback di famílias pa midjora prusesu di rejistu. Sra. Snyder papia sobri inkéritu dadu pa distritu.

11 di Janeru di 2023

Sr. O'Neill pidi distritu pa djobi formas di inkurta periudu di tenpu pa nutifikasons di tarefas di alunus na tudu nível di ensinu. Superitendenti konkorda, ta nota ki K2 sta gosi na primeru ronda di rejistu. Sra. Snyder fla ma kritérius di admison a skolas di izami, ki ta iziji notas di dos periudus di klasifikason, ta torna difisil pa distritu manda konvitis mas sedu.

Sra. Robinson pidi um atualizaspn sobri kuidadus antis y dipos di aulas na skolas primarius. Superitendenti fla ma ikipa sta ta djobi um midjor kordenason ku organizasons sem fins lukrativus y kumunitáriu pa snpadi menu di ofertas fora di tenpu di skola. E konkorda na da segimentu ku mas informasons.

Sra. Robinson pidi sklaresimentus sobri 18 prupostas di puzisons di Ligasons di Kumunitáriu. Superintendenti fla ma puzisons ka sta atualmenti na orsamentu di BP, akresentadu ki ta binha sta ta pidi finansiamentu di SIdadi pa apoia puzisons kuju responsabilidadis inklui oras di trabadju para alem di dia skular. Sr. Cardet-Hernandez papia sobri lisons prenedu sobri prusesu.

Aprovadu - na xamada nominal, Kumite unanimamenti aprova Rilatóriu di Supertendenti.

KUMENTÁRIU DI PUBLIKU EN JERAL

Sigintis algem tistimunha a respetu di protokolus di siguransa di COVID:

- Michael Heichman, rezidenti na Dorchester, membru di Boston Education Justice Alliance (BEJA)
- Nancy Lessin, rezidenti na Jamaica, y membru di famílias BPS pa seguransa di COVID (FamCOSa)
- Sarah Horsley, rezidenti na Jamaica y membru di FamCOSa
- Elise Pechter, rezidenti na Jamaica Plain y membru di FamCOSa
- Ruby Reyes, rezidenti di Dorchester y direktor izekutivu di BEJA
- Cheryl Buckman, rezidenti na South Boston y membru di FamCOSa

Sigintis algen tistimunha priokupasons relativamenti a fuzon prupostu entri skolas primáriu Sumner y Philbrick:

- Elizabeth Ferrenz, rezidenti na Roslindale y mai di Sumner Elementary School
- Lauren Peter, rezidenti na Roslindale y mai di Sumner Elementary School
- Mimi Lai, rezidenti na Roslindale y mai di Sumner Elementary School
- Justin Viglianti, rezidenti na Roslindale y pai di Sumner Elementary School
- Rachel Young, rezidenti na Roslindale y mai di Sumner Elementary School
- Rosy Hosking, rezidenti na Roslindale y mai di Sumner Elementary School
- Parick Sewell, rezidenti na Roslindale y mai di Sumner Elementary School
- Elizabeth Costello, rezidenti na Roslindale y mai di Sumner Elementary School
- Katie Mendosa-Hayes, rezidenti na Roslindale y mai di Sumner Elementary School
- Allison Friedmann, rezidenti na Roslindale y mai di Sumner Elementary School
- Jess Manna, rezidenti na Roslindale y mai di Sumner Elementary School

11 di Janeru di 2023

Stacey Kramer, rezidenti na Back Bay y mai di John D. O'Bryant School, tistimunha sobri seguransa y linpeza di kaza di banhu di rapas di skola.

PONTUS DI ASON

Sr. Cardet-Hernandez fazi pergntas sklaresedoris sobri subsidiu di Comprehensive Behavioral Health Model (CBHM) ki foi respondidus pa Whitney Walker, Office of Health and Wellness. Superintendenti oferesi pa ki Andria Amador, diretora sénior di Office of Health and Wellness, akonpanha ku mas infurmason sobri modi ki distritu podi pruveta dadus pa despaxa rekursus di um forma sistemátika.

Sr. Tran sulisita sklaresimentu sobri kestons levantadus durante kumentáriu pubiku sobri dukumentus di analizi di ikuidadi rasial pididu pa pais di Sumner School. Superintendenti oferesi pa verifika ku se ikipa. Prezidenti Roboninson rekumenda ki Sr. Tran labanta kestons mas tardi na runion sob novus asuntus.

Aprovadu - na xamada nominal, Kumité aprova pur unanimidadi subisidius pa aprovason na total di \$403,466.

Aprovadu - Na xamada nominal, Kumité aprova pur unanimidadi um anu fiskal di 2023 Pididu di aprupriason Suplementar a konselhu munisipal na valor di \$703,939 pa apoia dos Memorandu di Akordu pa susesor di akordu kuletivu di negusiason pa periodu di 1 di Setenbru di 2020 ti 31 di Agostu di 2024 entri intidadi administrativu, SEIU Local 888 y kumité skular di Boston.

Aprovadu - Na xamada nominal, Kumité aprova pur unanimidadi um Anu Fiskal 2023 Pididu di aprupriason Suplementar na valor di \$1,283,486 pa apoia dos Memorandu di Akordu pa susesor di akordu kuletivu di negusiason pa periodu di 1 di Setenbru di 2021 ti 31 di Agostu di 2024 entri sindikatu lukal N.º 1952, Pintoris y Ofísius asusiadu, Konselhu Distrital N.º 35 (tutoris) y kumité skular di Boston.

Aprovadu - Na xamada nominal, Kumité aprova pur unanimidadi um Anu Fiskal 2023 Pididu di aprupriason suplementar a Konselhu di Boston na valor di \$164,448 pa apoia dos Memorandu di Akordu pa susesor di akordu kuletivu di negusiason pa periodu di 1 di Setenbru di 2020 ti 31 di Agostu di 2024 entri New England Police Benevolent Association, Local 160 Boston School Police Patrolmen's Association y kumité skular di Boston.

RELATORIUS

Tentative Collective Bargaining Agreements between the Boston School Committee and United Steelworkers Local 2936 (Munitoris di Autokaru) - Direktor di relasons labural Jeremiah Hasson prezenta distakis di dos Memorandus di Akordu, em vigor di 1 di Julhu di 2020 a 30 di Junhu di 2025, entri United Steelworkers Local 2936 (Munitoris di autokaru) y kumité skular di Boston. Local 2936 aprova kes akordus li a 17 di Dizembru di 2022, ku um vutason di 126-36.

Runion virtual di kumité skular di Boston
Zoom

11 di Janeru di 2023

Destakis:

Durason: MOA # 1: 1 di Julhu, 2020 - 30 di Junhu, 2022; MOA #2: 1 di Julhu, 2020 - 30 di Junhu, 2025.

Aumentu salarial:

1/9/2020 2%

1/9/2021: 1,5%

1/9/2022: Ajusti di merkadu pamo Covid

1/9/2023: 2%

1/9/2024: 2%

Ajusti di merkadu pamo Covid:

- Taxa di munitor em spera: \$17.50 pur ora
- Taxa di munitor atribuidus: 19,00\$ pa ora (Taxa di funksionamentu pa um aumetu di \$2 pur viajen ti ser viável, em termus di jeston, tranzison pa remunerason pur ora)
- Taxa di formason: \$17.50 pur ora

Reformas:

- Konverti sistema di pagamentu na pagamentu pur ora apartir di "taxa pur viajen". Union konkorda na partisipa na kualker rastreiu di tenpu, sima implementadu pa Distritu
- Menbrus ta bem resebi um mínimu di 1,4 oras, ou \$26,60, pur turnu trabadjudadu
- Ta inklui dias di folga pagus duranti férias di Invernu y xkolha entri férias di Febereru ou Abril

Sr. Hasson tanbe apresenta um pididu di dutason suplementa na valor di \$1,079,770 a kamara munisipal di Boston pa apoia kustus di kes akordus li. Kumite sta prugramadu pa toma mididas sobri MOAs y pididu di dotason suplementar na 18 di Janeru di 2023.

Dr. Alkins papia sobi inpurtansia di oferesi salárius konkpetitivus a fim di atrai kandidatus.

Sr. Tran fla me ta gostaba di oia mas kontiudu na termus y kondisons di MOAs paralel di aspetu finanseru di akordus.

Revizon y rekomendason di konselhu di skolas di grandi sidadi - Dr. Ray Hart, Diretor izekutivu, Konselhu di skolas grandi sidadi (CGCS), y Willie Burroughs, Diretor di servisu di jeston di konselhu rezumi a konkluzons y rekomendasons di relatóriu di Konselhu di transportis: "Rivizon di Prugrama di transporti studantil di Skolas Publikus di Boston". Relatóriu e izijidu komu parti di planu di melhoria Sistimatiku (SIP) di BPS - MA Department of Elementary and Secondary Education (DESE).

Aprezentason sa ba aborda alguns pontus -xavi y ariaz di rikumendason di CGCS.

11 di Janeru di 2023

Rekumendasons ta inklui:

1. Implimenta un programason konsistenti di sinus di trez nivel na tudu distritu.
2. Atualiza pulitikas y prosidimentuz, riviza y atualiza rigularmenti rotas pa maksimiza uzu di frota.
3. Kuntinua ta uza un abordaji siztematiku pa kria y atualiza rotas y parajis di autokarus ki e ifikazis y ifisientis sem konprumeti seguransa.
4. Identifika y kuantifika fiskalmenti uportunidadiz pa riduzi kustuz di transporti.
5. Konsebi um stratéjia di Departamentu di Transportis (DoT) pa kontrolu di akonpanhamentu ifetivu
Au longu di anu letivu pa identifika agresivamenti parajens, perkursus y rotas ki podi ser Konsolidadu ou iliminadu pa aumenta kapasidadi di sistema.
6. Stabelesi um kulaburason kruzadu ku sistemas skularis fora di BPS ki ta resebi Servisus di transporti pa alinha au másimu kalendárius y orárius pusivel.
7. Riforsa kontrolu fiskal y di geston internu.
8. kria un kumite di líderes di DoT y Office of Special Education (OSE) pa konfiri sobri kestons di interesi mútu.
9. Kumesa um revizon abranjenti di tud prátikas y prusesu di inkaminhamentu pa identifika opurtunidadis di midjora rezultadus di rotas y ifisiensia di rotas.
10. Atualiza y implementa integralmenti planu di negósius abranjenti ku metas, objetivus, benchmarks, dizenpenhu , responsabiliadi y kustus ki ta apoia stratéjia di distritu planu.
11. Kria un siztema di komunikason ifikaz na tudu organizason di DoT.
12. Implimenta un siztema pa konpanha prugresu y midi risultaduz di tudu inisiativaz.
13. Responsabiliza prósimu furnesedor di transporti pa indikadoris-txabi di dizenpenhu na novu IFB ki ta aborda dizenpenhu di autokarus a tenpu pa garanti um servisu fiável a alunus.
14. Kolabora ku outoridadiz munisipal pa rizolvi kualker insufisiensias na Negusiason Kuletivu Akordu.

Rekumendasons ta dividi, em jeral, na tres kategorias: prusesus di transporti internu y prusedimentus ; trabadju pulitiku; y kontrolu di kustus. Distritu kumes ta trabadja nes árias na anu pasadu, y ta bem inkorpora rekumendasons di Konsejhu di Skolas di grandi sidadi:

- Prusesus y prusedimentus di transporti internu: Apesar di ten ainda un longu kaminhu pa perkóri, dipartamentu di transportiz (DoT) fazi prugresus signifkativuz na ez aria na ultimuz anuz. DoT ten grupuz di trabadjus simanal duranti u anu ku ikipa di atribuison, Sekretaria di Idukason Spesial y Sekretaria di instruson y teknolojia di Informason, fokadu na (1) difini y manten kronogramapa kolaborason y kunpartiliamentu di datus, (2) identifika y sesiona problemaz, (3) soluson di problemaz y fazi rekumendason pa midjoraz. DoT implimenta un prusesu di revision mensal di disenpeniu na 2020 ku TRansdev, atual furnesedor do outokarus, natin di konduzi meliurias na sirvisus. Finalmenti, idital di lisitason pa prosimu kontratu di furnesedor di transporti ta presenta mikanuismuz pa risponsabiliza furnesedor y alinia insentivuz pa risultaduz voltadu pa

11 di Janeru di 2023

alunu. Enbora kuntratu atual ten esensialmenti risku zero di finansiamentu pa fornecedor, novu IFB ta garanti kualker fornecedor novu pa ten "peli na djogu" pa meiu di un kombinason di insentivuz di disenpeniu pa midjora disenpeniu y danuz pa kumpensa distritu si ka ouver disenpeniu. Finalmenti, nu sta ta avansa na aria di transporti pa aletismu y exkursons. En kuloborason ku dipartamentu di atletismu, nu rivisa prusesus, nu analiza dadus sobri viajis ki ka foi diskobertu y canselamentus tardius/nu adisiona trabadju pa fazi miliuria diresiunadu y nu sforsa pa miliora ajendamentu avansadu di ikipaz sportivas y treinadoris. Alen disu , nu kuntinua ta esplora viablidad di solusons alternativuz(puresenplu, konpra/aluger di vans) pa midjora ainda maz transporti di atletismu y viajis di kanpu.

- Pulitika di trabadju: Distritu ta odja maior uportunidadi pa miliurias kuntinuo di transporti na ez aria. Konformi distakadu na rilatóriu, transporti di BPS ta opera sob sirkunstasias unikamenti kompleksuz, impulsunadu pa orarius di sinu y pulitikaz di matrikula skular, pulitikaz di idukason spesial y krezsimentu, ben komu esijensa di ki transporti BPS kunpri kalendariuz y orariuz skularis, nau di BPS pa 105 skolas ki ka e di BPS, pa kual ez ta transporta kiz alunus. Distritu inisia trabadju internamenti y ku skolas charter pa fazi rikumendasons pa alinia kalendarius skularis y fazi mudansas incremental na orariu di sinu ki sta leba BPS pa un sistema di sinus di trez nivel mas iniformi y distribuidu uniformementi pa midjora operasons di transporti, pa minimisa inpaktu y garanti involvimentu ku kes pertis intresadus di skola y kumunidadi. Inplementason ifikaz di kualker mudansa di pulitika ta ben isiji un involvimentu signikativu di partis interesaduz y mesti ser giadu pa kunversaz maz anplu na distritu y na kumunidadi sobri modi ki nu kre reimajina BPS. Resen formadu konseliu konsultivu di transporti sta ben disenpenia un papel inportanti na ez trabadju. BPS sta inpenhadu na fazi es trabadju y na fazel di forma sertu.'
- Kontrolu di Kustus: Ez rilatóriu ta distaka ki BPS Transportis ten un di kes kustus mas altu di país y ta furnesi varius rikumendasons pa midjor rastriamentu, kontrolu y riduson di kustuz pa libera ativus pa redistribuison(pur esenplu, solusons teknolojikus adisiunal, riduson di durason di viajis pa tudu alunus na viajis di diskansu, etc.). Enbora nos primeru y mas urgenti priuridadi ser midjora sirvisus pa alunus y familias, BPS tanben mesti garanti pa transporti ser ekonomiku. Distritu sta ben rivisa di pertu kis rikumendasons di kontrolu di kustus nez rilatóriu y sa ben toma mididas pa inplimenta rikumendasons ki sa ben ten maior inpaktu pa midjora sirvisus di transporti.

Distritu sta prufundamenti inpenhadu na midjora spriensia di transporti pa tudu alunus di BPS y famílias, y valoriza kunhesimentus, rekumendasons y parserias di CGCS. Ikupa distrital ta bem aprezena na um runion dipos di Kumité Skular sobri trabadju atualmenti em kursu y planu di inplementason di distritu pa rekumendasons kontidus na relatóriu. Relatóriu y slides ta bem ser submetidus a DESE y disponibilizadus na site di BPS na www.bostonpublicschools.org/strategicprogress.

Superintendenti oferesi reflexons sobri relatóriu y rekumendasons, na kual segundu el, ta bem djuda distritu a konsentra ses sforsus pa garanti ki transporti e seguru y fiável pa alunus y famílias. E fla ma alguns di kes rekumendasons sta ligadus a trabadj ki dja sta em kursu.

11 di Janeru di 2023

Diretor adjuntu di transportis Dan Rosengard afirma ki koprumisu di distritu na infrenta dizafius di transportis y na involv ku partis interesadus. Konselhu Izekutivu ta bem dizenpenha um papel na implementason di rekomendasons. Na 2020, Departamentu di transportis di BPS dizenvolvi um planu di negósius di sinku anu, ta dilinia 24 inisiativas stratéjikas pa midjora transportis. Inbora pandimia tenha interonpidu algun des trabadjus, ikipa di transporti konsigi fazi prugresus ta implementa 18 des 24 rekomendasons. Tanbe na 2020, BPS implementa um prusesu di revizon mensal di dizenpenhu ku se atual furnesedor di transportis Transdev. Na kria konviti a aprezentason di prupostas (IFB) pa prósimu kontratu di furnesedor di transporti, ikipa intruduzi novus mekanismus pa responsabiliza furnesedor, inklunidu alinhamentu di insentivus finanserus pa rezultadus orientadus pa alunus. Sr. Rosengard fla ma BPS tanbe fazi melhorias au longu di ultimus anus, ta torna prusesus y prusedimentus mas rigurozus di transporti internu.

Sr. Cardet-Hernandez papia sobri inpurtansia di rekolhi dadus prezizus pa informa tumada di disizons. E pidi dadus sobri dispezas di transporti pur alunu. Sr. Rosengard konkorda na da segmentu a informason.

Sra. Lopera labanta kestons sobri si BPS ta kustumaba sigi rastu di transporti, y na kazu afirmativu, kuandu y pamo ki para. Superitendenti konkorda ki distritu mesti di rekolhi dadus sólidus sobri transporti.

Dr. Alkins pergunta sobri stratéjia di distritu pa rekrutamentu y retenson di munitoris di autokarus. Sr. Rosengard papia sobri kulaburason entri Offices of Transportation y Special Education. E fla me sta na vias di kontrata dos direktoris di prugrama pa transporti, kuju foku ta bem ser furnason y apoiu a munitoris di autokaru.

Sr. O'Neill deklara ki ta sirbi komu reprezentanti di kumite skular di Boston na konselhu di Skolas di grandi sidadi y komu menbru di konselhu di administrason di Konselhu. E fla ma um servisu di transporti fiável e um keston frustanti pa famílias y ki dei ser um prioridadi másimu pa distritu. keston kompleksu. E pidi presentis se opinion sobri ordem di prioridadis y kal ki e alternativas ki BPS dibia staba ta konsidera. Dr. Hart rekomenda melhoria di rekolha di dadus, alinhamentu di kalendáriu, y alterason di taxas di uzu di autokarus pa kria ifisiensias. Superitendenti observa ki BPS ka sta autorizadu a sub-kontrata transporti pa skolas charter y parokial.

Sra. Robinson sujiri studu di inpatu di sistema di exkolha di skolas di distritu na transporti pa pruporsiona a famílas xkolhas signifkativus. Dr. Hart konkorda. Sra. Robinson labanta um keston sobri si distritu dibia konsidera sistemas di transportis separadus pa skolas BPS y nau BPS. Superitendenti fla ma fursionamentu di dos sistemas ka ta binha ser ifikas. Em ves di keli, e rekomenda pa splora obrigasons di distritu versus ses liberdadis. Sra. Robinson pergunta kuze ki sta ta kauza atrazu króniku di autokarus. Dr. Hart fla ma ikipa ka studa es keston spesifiku na profundidadi, ta akresenta ki um midjor rekolha di dadus ta bem djuda a identifika kauzas profundus.

11 di Janeru di 2023

Sr. Cardet-Hernandez fla ma kumite skular perdi um oportunitadi di konduzi um mudansa kandu aprova kartas di akordu di motoristas di autokarus na Junhu pasadu. E papia di monitoris di autokarus ki ta da famílias um sensason di seguransa.

Sr. Mehta papia di inpurtansia di midjora ifisiensas di rotas. E partilha se spriensia pesual a ser agredidu na um autokaru kandu el era mas novu y e salienta inpurtansia di supervizon.

Dr. Alkins fla ma agreson nunca ka e aseitável. E pergunta sobri sforsus di komunikason multilingi di Departamentu di transportis. Sr. Rosengard splika ki BPS ta furnesi um linha diretu di transporti kompletu na dias di skola di 6h ti 19h. E fla ki inbora linha direta di transporti steja relativamenti bem ikipadu ku staff ki ta papia spanhol, ka sta ton ikipadu na otus línguas. Dr. Alkins pergunta kuandu y pamo ki distritu dexa di da um inkéritu di atendimentu a klienti di transporti a famílias. Sr. Rosengard konkorda na da sigimentu. E observa ki BPS intruduzi um novu sistema di bilhete di servisu a klienti na Nuvenbru di 2020, ki e gosi uzadu na distritu interu. E fla ma novu sistema tem kapasidadi di manda inkéritus automatizadus a famílias.

KUMENTÁRIU PUBLIKU SOBRI RELATORIUS

Ninhun.

NOVU NEGOSIU

Sra. Lopera pidi mas klareza sobri kem ki sta ta konduzi prusesu di fuzon di skolas. Superitendenti fla ma BPS sta ta trabadja em konjuntu ku Sidadi. E oferesi pa furnesi kumité um atualizason mas detalhadu na Fevereru.

ADIAMENTU

Apruvadu- Pa volta di 10:22 pm Kumite vota ku unanimidadi, pa xamada nominal adiamentu di runion.

Atestadu:



Elizabeth Sullivan
Sikretária Izekutiva